

Übertragen aus dem Schriftdeutschen durch
Amulf Pichler-Stainern
Villach, 06.10.2014

Vorbemerkung:

Der Oberdrauburger Bildhauer Hellmuth Marx beherrschte bzw pflegte die Mundart selber nicht. Er verstand aber sehr genau die eher derben mundartlichen Scherze, die am Oberdrauburger Wirtshaustisch bisweilen gemacht wurden über ihn, den in Graz und Wien ausgebildeten feinsinnigen Künstler, durchaus athletischen Sportler und begeisterten Rilke-Leser.

Dar Marx Hellmuth

gebom in Linz, en 17. Juni 1915, gstorbm in Lienz, en 1. Jänner 2002, is a äschtarreichischar Bildhauar gwesn.

Äs Lebom

Dar Hellmuth is äs jyngschte ven fynf Kindar gwesn. Sei Våtar, dar Marx Viktor ven Graz (1870-1928), is a Oufiziir in dar kaisarlichn Amee gwesn. Sei Muetar, dii Marx Clara, geborne Pichlar (1876-1948), is ven Tråbrig å'gståmp (Gåschthouf Pouscht).

1926 is ar in dii Mittlschuel in Graz gånge, in dar Haamåt ven seinar Großmuetar ven Våter her (Theresia Pesendorfer ven anar Gwerknfamilie). Dii Matura håt ar gmåcht 1933 inn Marieninschtiut.

Ven 1933 wegk håt ar auf dar Technischn Hoachschuel in Graz siibm Semeschtar lång Architektur studiirt - eppa wouhl nåch mehrar Vorbildar aus dar Pichlar-Varwåndtschåft - und is danebm inschribiirt gwesn auf dar Steirischn Låndeskunstschoel ba dii Profesorn Daniel Pauluzzi, Alfred Wickenburg und Fritz Silberbauer. Sem werd ar wouhl aah ban Wilhelm Gössar studiirt håbm, ban Leitlar ven dar Maschtarklass fyr Houlz- und Staanbildhauarei. Dar Wilhelm Gössar is dar Sunn ven Bildhauar Håns Brandstettar gwesn, der wås 1909 dii Gedenktåfl håt gmåcht fyrrn Dichtar Marx Friedrich in Tråbrig, en Våtar ven Marx Viktor.

1938/39 håt ar gmyesst in Klågnfurt zen Militår gieh.

Inn Krieg is ar nåch Låplånd, Finnland und Norwegn gkemen. En Militårdienscht auf dar Nordmeerfront håt ar gekint untarbrechn ven Mai 1939 bis Jänner 1940. Wie dåss ar håt dii Aufnåhmsprøfung beståndn håt ghåt, is ar a Gåschthèrar gwesn auf dar Àlgemeinen Bildhauarschoel ven dar Akademii fyr bildende Kynschte in Wien. Då is ar aah inschribiirt gwesn inn Wintarsemeschtar 1941/42, fyr dås wås ar håt an Studienurlaab kriegg. Danåch håt ar wiidar auf dii Front gmyesst.

1946/47 is ar auf Wien auf dii Akademie an Schillerplatz hintargkemen, auf dii Maschtaschoel fyr Bildhauarei ban Josef Müllner. 1948 håt ar a Bleibe gfundn in Halignbluet ban Großglocknar, wou sei Muetar håt gwouhnt und zwaa ven seine Schweschtarn. Nåch den dåss ar sei Studium in Wien håt å'gschloussn ghåt, is ar ven Juni 1947 bis Hirbescht 1955 in Halignbluet geblieb und ven 1948 wegk håt ar gårbetet åls a freischåfnfigar Kynschtlar.

Wóltan ane Jåhr is ar zwischn Halignbluet und Tråbrig bin und her gfåhrn, bis dåss ar sih inn End håt då niidarglæssn. Bis ze sein Sterbm håt ar inn Staanar-Haus gwouhnt, aufn Marktplåt in Tråbrig.

En 1. Jänner 2002 is dar Marx Hellmuth in Lienz inn Krånknhau gstorbm.

Seine Àrbetn

Àls a bildntigar Kynschtlar håt dar Marx Hellmuth mehrarntaals Mentschn å'gebildet. Àn åln vorån is ar a Bildhaua gwesn, håt danebm åbar aah gmåln. Zwischneihhn håt ar ane Näckntign gezeichnet und gmåln und spatar håt ar aah fotografiirt. Dii Negative mitsåmp dii Porträtaufnåhmen seind åbar varlorn gånge.